

前漢書卷九十四下

漢

蘭

臺

令

史班

固撰

唐正議大夫行秘書少監瑯邪縣開國子顏師古注

匈奴傳第六十四下

呼韓邪單于歸庭數月罷兵使各歸故地乃收其兄呼

屠吾斯在民間者立為左谷蠡王使人告右賢貴人欲

令殺右賢王其冬都隆奇與右賢王共立日逐王薄胥

堂為屠耆單于發兵數萬人東襲呼韓邪單于呼韓邪

單于兵敗走屠耆單于還以其長子都塗吾西為左谷

蠡王少子姑瞀樓頭為右谷蠡王

師古曰瞀音莫搆反

留居單于